

是名城中障難若在家菩薩如是樂著五欲

不能思念佛出於世乃至不能速疾得成無

上正等正覺復次舍利子在家菩薩而自宣

說現行法律復多障難所謂父母男女妻妾

十二

奴婢姊妹兄弟朋友眷屬於長夜中而爲障

難舍利子如是之法能爲在家菩薩作諸障

十三

難亦復不樂佛出於世乃至不能速疾得成

阿耨多羅三藐三菩提

佛說大乘菩薩藏正法經卷第二十七

佛說大乘菩薩藏正法經卷第二十八

卷之二十八
大乘菩薩藏正法經卷第二十八

精進波羅蜜多品第九之四

復次舍利子在家菩薩於諸如來所說契經

如實行相雖復聽已不樂多聞於少欲行不

樂修習及於同類諸契經等亦不信受於彼

如來大乘教中復生毀謗而皆墮於諸惡趣

中云何名爲諸惡趣中所謂焰魔羅界餓鬼

畜生又復邊地諸惡律儀縱得爲人身不具

足垢穢障重具諸邪見舍利子如是所呵歎

處諸佛菩薩皆悉遠離不樂生彼乃至不能疾得阿耨多羅三藐三菩提復次舍利子在

家菩薩於有大勢力堅樂依止所謂國王大臣及諸人民大富豪傑增諸贍惠所出言辭多生詭偽積集惡事誑惑於人復生侮慢是

人以不善語故墮惡趣中身體羸瘦具諸惡

十三相舍利子此名在家菩薩五種之法以是因緣不能值遇好時所集善根悉皆毀壞於持戒菩薩摩訶薩等不能隨學乃至不能疾得阿

耨多羅三藐三菩提爾時世尊欲重明斯義說伽陀曰

若人行是五種法 於此勝慧不增長而復遠離調御尊 不能速疾成正覺虛誑一切有情故 如王家臣諸僕使悉斷一切善根力 不能值遇佛出世又或驚怖諸有情 語令捉縛并捶打如是作諸惡業已 於無上尊常遠離復於苾芻苾芻尼 破佗淨戒生病苦剎那不得值好時 於諸佛所常遠離

父母妻孥諸眷屬
而於正法不樂聞
設逢佛世求親近
或復愛樂出家時
或時聽是正法已
彼等競生瞋恚心
如是種種諸障難
由是毀謗正法因
世世生育無所見
彼不能見正覺尊
縱見不生清淨信
當獲人身不具足
後墮一切傍生中

於非法行無常間
墮癡迷中難出離
於剎那間不能得
彼等競來爲障難
隨處演說真實空
乃說此爲非正法

若人歸向佛菩提
一切障難悉蠲除
所有父母并眷屬
數數引導令出家
唯母最初引導已
復能讚歎令出家
即當往詣善逝尊
舍利子發心開悟大菩提
復次舍利子出家菩薩復有如是五種之法
於諸善友亦復遠離諸佛出世於剎那時不
能值遇如是積集諸善根力亦皆破壞而於
持戒菩薩摩訶薩不能隨學乃至不能疾得

阿耨多羅三藐三菩提云何五法一者以邪思故破諸淨戒二者以不信故毀謗正法三者耽著利養及樂名聞四者執著我見入諸險難五者於佗善行而生嫉妬舍利子而出家菩薩具足如是五種之法於諸善友亦復遠離不能值遇諸佛出世以要言之乃至不能速疾得成阿耨多羅三藐三菩提舍利子以是義故譬如餓犬羸瘦顛頽皮骨連立忽見枯骨而生食想復於靜處以力舐齧自傷其口血塗骨上不自覺知妄生貪愛於其飽

滿然無所得時有刹帝利婆羅門長者居士自遠而來見是餓犬齧彼枯骨極生嗟念是時餓犬復自思惟彼所來者奪我美味時犬乃作惡聲惡眼齶膝嘑吠舍利子於意云何彼諸人衆見是枯骨悉無血肉爲侵奪不舍利子言不也世尊不也善逝佛告舍利子云何彼犬作如是相舍利子白佛言世尊由犬餓故齧彼枯骨如甘露味妄生貪愛故現如是惡聲惡眼齶膝嘑吠恐彼人衆之所侵奪佛告舍利子如我滅後有諸苾芻於種族中

乃至便利不淨深生愛著之所纏縛如是行
相於剎那時成就佛事亦不能得彼苾芻
我今所說於佛法中如彼餓大匪惟如來作
是訶毀若諸有情見彼苾芻如是行相亦復
誹謗如彼餓大舍利子復有菩薩摩訶薩廣
爲利樂一切有情求佛智慧於自身命亦復
棄捨何況於佗善業而生憎嫉復次舍利子
復有世間愚癡之人以自活命愛樂世間財
寶飲食身爲奴僕爲彼繫縛責役驅使於他
族中親近誰妄以貪求故復於他人而生嫉

始舍利子如彼苾芻爲貪利養先在彼族見
後來者而復發起憎嫉之心謂後來者而作
是言我先住此汝等諸人從何所來今此族
中諸長者等先發願言所有衣服飲食卧具
醫藥決定施我作如是言彼後來者云何當
得因是發生三種過失何等爲三一者樂著
住處二者不樂本住三者於世間法而能解
了出世間法不能解了又彼苾芻於此長者
族中不樂安住而彼苾芻又發是言住處有
三一者愛樂處住二者和合處住三者如實

處住汝諸長者多行過失應當於我深生恭敬於我法中稱揚讚歎舍利子由是種族生憎嫉過於潔白法悉皆滅沒復次舍利子復有種族多諸嫉妬虛妄不實或有持戒不持戒者於菩薩摩訶薩所悉皆遠離而不隨學如是譬喻應當了知復次舍利子於過去無量無邊廣大不可思議阿僧祇劫彼時彼分有佛出世號勝高如來應供正徧知明行足善逝世間解無上士調御丈夫天人師佛世尊彼佛住世九十俱胝歲彼佛會中復有九

十那踰多大聲聞衆皆阿羅漢諸漏已盡無復煩惱逮得己利心得自在到於彼岸彼時復有長者名曰善集其家巨富眷屬廣大多諸財寶金銀瑠璃磚礫碼瑙珊瑚琥珀真珠等寶皆悉具足受用廣大復有奴婢僕從象馬車乘及諸倉庫悉皆盈溢時彼長者生其二子一名淨住二名淨持面貌端正身相具足人所樂見忽於一時登大樓閣經行游戲爾時佛告舍利子彼勝高如來應供正等正覺於晨朝時著衣持鉢與大苾芻衆前後圍

繞入彼大城次第乞食其佛相好猶若金山
又如廣大妙好金幢最上第一住奢摩陀諸
根隱密行如龍象極妙清淨如大池沼離諸
塵穢又如大海珍寶充滿如帝釋天主諸天
圍繞如大梵天王寂靜嚴飾具足圓滿清淨
十七
潔白心意調暢諸根寂靜彼二童子即於是
時見彼勝高如來多陀阿伽度阿羅訶三藐
三佛陀是二童子乃讚如來自遠而至佛身
相好無量無邊圓滿具足瞻仰世尊心無厭
足舍利子時淨住童子往昔已曾得見勝高

如來應供正等正覺乃語淨持童子言汝曾
往昔得見勝高如來不此佛功德無有邊際
於一切有情中爲大慈父時淨持童子言我
於往昔未曾得見此佛世尊相好具足威德
特尊時淨住童子言我於昔時已曾見此勝
高如來願我當來一如此佛等無有異舍利
子時彼淨住童子說伽陀曰
願我當來如世尊 有諸苾芻衆圍繞
我若得似如來相 復名如是最上尊
今將飲食諸供養 爲求無上菩提故

所有舍宅悉棄捨
願我當來成正覺
譬如衆星月爲勝
此誰見已不清涼
於有情中佛最尊
誰不捨家求出離
舍利子時彼淨持童子聞是語已復說伽
曰

汝今莫作如是語
亦勿高聲報四方
汝今聽我誠實言
云何速得菩提道
舍利子時彼淨住童子聞是語已復說伽陀
曰
汝於此道不愛樂
亦復莫起憎嫉心

我今所出善語言
是故當得菩提道
汝於世間諸財寶
亦莫輒生憚怯心
我於身命尚能捨
是故語汝悉知解
與汝如是諸舍宅
及有一切財寶等
我今往詣於佛所
出家求授菩提記
三十二種殊勝相
松四誰人見已不愛樂
無上菩提誰不行
於此莫生劣弱見
我於舍宅諸財寶
父母眷屬諸親友
於此一切皆能捨
爲求往詣於佛所
假使俱胝千劫中
聞佛出世甚難得

佛爲世間大光明 遇佛光者亦復難
佛來王城行化行 大苾芻衆皆圍繞
猶若晴空清淨月 普偏照耀於世間
又如出現千日光 四衢道陌皆晃耀
佛於城中行化行 普放光明亦如是
譬如須彌山中王 亦如出現殊妙寶
佛於苾芻大衆中 清淨尊嚴亦如是
熾盛光明大威德 普能照耀諸有情
如來殊勝二足尊 圓滿如是諸色相
佛入王城行化行 顯現無量大神變

諸天龍神及有情 見者愛樂咸恭敬
三十二種殊勝相 見已誰不求正法
若於小乘樂修習 是名愚夫劣弱見
我見無上人中尊 相好端嚴世希有
我今往詣善逝尊 爲求無上菩提道
舍利子時彼淨持童子聞是語已復說伽陀一十九
曰
我於小乘非愛樂 亦能往詣於佛所
今於此大樓閣中 誓欲棄擲於身命
又我想身皆虛幻 於其身命即能捨

爲求無上大智慧 亦當往詣於佛所
父母恩愛極最重 舍宅財物諸欲境

我今悉能皆棄捨 誓當往詣於佛所
若我願得如世尊 蒙佛稱讚爲攝受
一切所有棄捨已 投佛出家爲弟子

舍利子時淨住童子從大樓閣安詳而下即
時往詣勝高如來應供正等正覺所時淨持
童子復於大樓閣中發勇猛心不顧身命迅
速而下以精進故先詣勝高如來應供正等
正覺所舍利子時淨住童子到佛所已持以

上妙法服價直闍浮檀金一搥脰數奉獻如
來說伽陀曰

我今所獻上妙服 不求端嚴諸色相
願我當來如世尊 最上最尊稱第一
具足清淨大智慧 於精進力善安住
三十二相妙莊嚴 願得果如二足尊
又復成就十智力 四無所畏善安住
願我當來如世尊 最上最尊稱第一
願我於佛正法中 如佛安住光明聚
演說諸法施有情 普令一切皆覺悟

我今所獻上妙服 不求端嚴諸色相
願成清淨大菩提 廣度無邊人天衆
又我所獻上妙服 爲求如來無上慧
安住不二正法門 降伏一切諸外道
又願利樂諸有情 令貪瞋癡悉遠離
無明愛有等皆除
獲得無爲甘露法
又說如來清淨法 普皆利樂諸有情
令離生老病死等 及滅憂悲諸苦惱
又願說法利一切 天龍人等及非人
有想無想諸有情 自覺覺他咸恭敬

願我如住諸佛刹 普放光明照十方
於大黑闇熱惱中 作彼清涼甘露味
欲界色界無色界 皆令一切無所著
於憎愛境悉遠離 常說如來清淨法
舍利子時彼淨持童子既到佛已復以上妙
華屣持以奉佛慇懃施已說伽陀曰

願我如佛衆中尊 如大舍宅爲救護
令諸有情離惡趣 復能演說真正道
世間所有諸愛欲 此名愚夫麤境界
一切有爲悉遠離 願佛出世常值遇

見佛光明照世間
爲利一切諸有情
復以最勝香花等
爲利一切諸有情
上妙衣服及飲食
爲利一切諸有情
又持鼓貝諸樂器
爲利一切諸有情
又持珍妙諸飲饌
爲利一切諸有情
於二足尊應供養
誓求無上菩提果
種種幢幡及寶蓋
將持供養大覺尊
牀褥卧具諸湯藥
持此供養於如來
歌詠讚歎妙音聲
供養出世光明尊
世間所有最上味
願將供養佛世尊

作是廣大供養已
爲利一切諸有情
又願一切有情等
悉令俱胝數有情
願我不生此欲界
遠離一切放逸已
又願不生諸惡趣
生已當發最上心
願見如來常親近
衆鼓伎樂諸供養
於佛如來求出家
誓行一切清淨行
不生邪道幻惑中
極劣邊地訶狀處
常得親近不放逸
常願生於信族中
願見如來常親近
及以花鬘塗香等
當求勝解利一切

願於俱胝多劫中 常作廣大供養事
出家遠離諸欲境 當行一切清淨行
舍利子彼二童子於勝高如來應正等覺所
以種種伎樂伽陀歌詠讚歎供養佛已即於
地方所發清淨心以赤栴檀造立精舍縱廣
四踰繪那高半踰繪那如是造已奉獻世尊
復作是言唯願如來哀愍納受彼二童子於
勝高如來應正等覺所勸請世尊說伽陀曰
願佛安住我精舍 過去諸佛所稱讚
我今發此淨施心 願佛哀愍親納受

若佛常住我精舍
過現未來三世心
佛依精舍到彼岸
四種勝行各了知
唯願勝高如來佛
受此精舍半月中
我今於是如來所
發是信心求出家
如是捨家出家已
常當修作善相應
了知俱胝有情數
願我當來亦如是
獲得正斷及神足
我施精舍亦如是
及與一切苾芻衆
供養尊重常恭敬
親近恭敬供養已
剃除頂髮被法服
於諸利樂偏希求
愛樂如是真實法

時二童子說是伽陀已彼淨住童子白佛言
世尊願我當來速成正覺放大光明如佛世
尊等無有異時淨持童子又白佛言世尊願
我當於險難惡道常爲導師舍利子時彼淨
持童子於勝高如來前住立一面恭敬合掌
又發誓言願我於佛法中無復坐卧常離睡
眠爲利有情求無上道而常遠離一切懈怠
寧以身命一切棄捨乃至筋皮血肉皆悉枯
悴亦復遠離一切懈怠當發廣大勇猛精進
求菩提道舍利子爾時淨住菩薩摩訶薩爲

彼淨持菩薩摩訶薩說伽陀曰

我共汝發平等心 修行無上菩薩行
我今亦發精進力 爲利一切諸有情
遠離諸欲及身命 血肉枯乾無所辭
願於千劫盡修習 精進志樂菩提道
常思安住曠野中 及樂山間寂靜處
爲求無上大智慧 於法清淨得自在
舍利子時彼淨持菩薩於千歲中一彈指頃
曾無睡眠及諸懈怠況復夢想又於千歲不
求安坐除諸便利乃至一彈指頃亦不胡跪

何況坐卧時彼菩薩又千歲中食時持鉢游行乞食於彼施者亦不觀視是男是女童子童文化利有情心行平等却詣本住三觀世間然後乃食如是食已於非食時不生一念饑渴之想乃至不生甜酸鹹淡苦辣之想又千歲中於非食時亦不乞食時彼菩薩又千歲中住於樹下一心精進求菩提道亦不觀視是何等樹又於千歲所被法服未嘗暫時而有更換時彼菩薩又於千歲而於諸欲不起尋伺於諸損害亦復如是又於千歲於自

父母兄弟姊妹及諸眷屬於日月等數不曾發起一念尋伺又於千歲於其舍宅曾無一念愛樂依止又千歲中於日月星宿等曾無一念起瞻視意又千歲中未嘗依止牆堵樹木而於中住又於千歲未曾以諸酥油塗身又千歲中於其自身乃至一念曾無懈怠又於千歲於其一念曾無疲倦又千歲中乃至酥油亦復不受唯樂一心精進求證阿耨多羅三藐三菩提故時彼菩薩又千歲中於其身心亦不懈倦又於千歲修精進行不起一

念剃除鬚髮時四大天王來於頂上以手摩觸頂髮自落時四天王又持此髮於清淨地起窣堵波又千歲中四大天王知彼菩薩於善所作悉來成辦時彼菩薩又於千歲若值熾熱時亦復不樂於樹蔭中又於千歲若值寒時亦復不樂以衣覆身又於千歲亦復不共

世間有情語言戲論復次舍利子時有魔王忽然出現名曰癡念時癡念魔王勑諸波旬爲彼淨住淨持二菩薩造作劍林及劍橋道已時彼魔王及魔波旬狂亂往來高聲唱言

我今造作此名劍林時彼魔王發是語時三千大千世界中上至魔宮下徼地界有百千俱胝魔王波旬諸天眷屬皆得聞知悉來集會共生恐怖欲相謀害舍利子時彼菩薩一心精進安住不動

佛說大乘菩薩藏正法經卷第二十八

忽然出現名曰癡念時癡念魔王勑諸波旬爲彼淨住淨持二菩薩造作劍林及劍橋道已時彼魔王及魔波旬狂亂往來高聲唱言

音釋

頗
底
迦
梵語也。此云水磨於禁勿珂丘何
王
底
張
尼
切
也
餘
如
硝
潔
白
者
烏
瑟
臘
沙
梵語也。此云水磨於禁勿珂丘何
頂
臘
也
此云水磨於禁勿珂丘何
利
佛
甚爾
也
大
胡
刀
也
結
倪
火
刃
碼
梵語也。此云水磨於禁勿珂丘何

一

永樂北藏

大乘菩薩藏正法經

第七一冊